

## Partisipa na piskiza é un iskolha

Entra na un studu di invistigason é un disizon pesual inpurtanti. Antis di bu entra, sertifika ma dja bu intendi kes objetivus di studu y pusíveis riskus y binifisius. Sertifika ma bu intendi modi ki invistigadoris ta bai pruteji bus informason y privasidadi. Pidi ajuda si bu ka intendi algun kuza ó bu ten purguntas.

Bu ka debi nunca xinti apresadu ó prisionadu a toma disizon. Fazi parti di un studu di invistigason é konpletamenti voluntáriu - é bu iskolha. Bu podi muda di ideia a kualker ora, pa kualker mutivu.

## Konkorda a partisipa

Oras ki intendi kel invistigason, bu podi disidi si bu kre fazi inkéritu ó nou.

Si bu kre partisipa na maioria di studus di invistigason, bu mesti sina un fixa di konsentimentu informadu. Keli ta mostra ma intendi studu y konkorda sta na studu. Studus di inkéritu nen senpri ta ta pidi - bu pa bu sina un fixa di konsentimentu informadu. En vez disu, bu ta mostra akordu fazendu kel inkéritu y divolve-l.

Alguns inkéritus ta fazedu pa tilifoni ó en pesoa, undi un invistigador ta faze - bu purguntas. Kel invistigador podi splika kel studu y dipos purgunta si sta dretu pa pasa pa purguntas di inkéritu.

Pa más informason, konsulta nos [broxura Piskiza Konportamental y Susial](https://catalyst.harvard.edu/pdf/regulatory/SocialBehavioralResearch_CapeVerdean_HighResolution.pdf) na: [catalyst.harvard.edu/pdf/regulatory/SocialBehavioralResearch\\_CapeVerdean\\_HighResolution.pdf](https://catalyst.harvard.edu/pdf/regulatory/SocialBehavioralResearch_CapeVerdean_HighResolution.pdf)

## Purguntas pa fazi

Bu ten direitu di fazi purguntas sobri un studu di invistigason antis di bu disidi si bu partisipa na el. Dibaxu li sta un lista di purguntas ki bu pudia kre fazi antis di bu konkorda partisipa na un inkeritu.

- > Kal k-é objetivu di es studu?
- > Ki tipu di purguntas ki ta bai fazedu?
- > Kantu tenpu ki studu ta dura?
- > Kantu tenpu ki inkéritu ta dura?
- > N bai pagadu di algun manera pa partisipa?
- > Nhas rispostas ta bai ligadu ku nhas informasons pesual?
- > Modi ki bu ta bai pruteji nhas informasons pesual?
- > Kuze ki ta kontisi si-m disidi na sai di studu sedu?
- > N podi rikupera nhas rispostas na kualker ora? Si sin, modi?
- > Nhas informason pesual ta bai sta na algun publikason?

## PARTISIPA NA UN INKÉRITU



Partisipa na piskiza é un iskolha. Fika informadu. Fazi purguntas. Resebi rispostas.

Inkéritus ta djunta informason oras k-es pidi - bu pa rispondi purguntas. Invistigadoris ta uza inkéritus ta sabi bus opinion y sentimentus sobri un tópiku ó pamodi ki bu ta konporta di un sertu forma. Kela ta djuda Invistigadoris intendi y rizolvi problemas médiku y susial.



Purguntas?  
Txoma-nu pa

Es broxura li ten informason jeral pa uzadu na ensinu y é ka fazedu pa da konsedju médiku. Fala ku bu propi dotor ó kel ikipa di piskiza pa konsedju sobri bu situason pesual y priokupasons ku saúdi.

## Kuze k-é un studu di inkéritu?

Inkéritus ta djunta informason oras k-es pidi-bu pa rispondi purguntas. Invistigadoris ta djuda invistigadoris sabi bus opinion y sentimentus sobri un tópiku ó pamodi ki bu ta konporta di un sertu forma. Studu di inkéritu ta azedu di monti maneras diferenti. E podi ser pa kureiu, na Interneti, pa tilifoni, ó en pesoa.

## Modi ki invistigadoris ta uza inkéritus?

Invistigadoris ta uza inkéritus pa djuda rispondi purgunta sientífiku. Inkéritus podi djuda-s intendi y rizolvi problemas médiku y susial. Inkéritus podi tanbe djuda invistigadoris sabi si prugramas ó tratamentus sta funsiona dretu.

Invistigadoris podi purgunta-bu pa toma so un inkéritu, ó monti duranti mezis ó anus. Si bu ka kre partisipa, bu podi pidi kes invistigadoris pa ka kontakta-bu más.

Az ves, invistigadoris ta inkoraja pesoas a toma inkéritus oferendu es pagamentu en dinheru, karton di prendas, ó inskrison na sorteiu di prémiu. Bu podi resebi kes li antis ó dipos di bu toma inkéritu. Otu vezis, Invistigadoris ka ta paga pesoas pa prenxi inkéritus.

## Si un invistigador pidi-bu pa bu toma un inkéritu:

Bu podi resebi un pikenu karta ó email ta diskrevi kel studu di invistigason, inkluidu:

- > Inkéritu é sobri kuze
- > Kenha i sta fazi piskiza
- > Kantu tenpu ki inkéritu ta dura
- > Modi ki invistigadoris ta bai uza kel informason y prutéji bu identidadi
- > Si bu sta bai pagadu ó metedu na un sorteiu di prémiu pa toma inkéritu
- > Kenha pa kontakta ku purguntas

Antis di bu disidi na partisipa, sertifika ma bu intendi:

- > Kes ditalhis di studu
- > Bus direitus na kualidadi di partisipanti di piskiza
- > Modi ki bu privasidadi sta bai ser prutejidu

Mezmu si bu konkorda na partisipa na invistigason, bu podi muda di ideia kualker ora y disidi ka rispondi más purguntas di inkéritu.

## Prenxi un inkéritu

Nalguns inkéritus, bu ten ki rispondi tudu purguntas. Na otus inkéritus, bu podi salta kualker purgunta ki bu ka kre rispondi. Alguns inkéritus podi tanbe ten opsons sima “prifiri ka rispondi” ó “sen risposta.” Mezmu si prenxi inkéritu, bu podi opta pa ka manda bus rispostas. Bu podi az ves toma bu inkéritu di volta dipos ki manda-l. Mas keli podi ser difisil, ispisialmenti si bus rispostas ka teni bu nomi na es.

## Prutéji bu privasidadi

Txeu inkéritus ta pidi-bu pa bu da alguns informason di bo, sima bu idadi, seksu, ó informason étniku.

É inportanti sabi si bus rispostas a inkéritu sta ligadu ku kualker informason ki podi identifika-bu. Kela ta inklui bu nomi, inderesu, email, y nunbru di tilifoni. Si bu toma un inkéritu na Interneti, é inportanti sabi si bus rispostas sta prutejidu iletronikamenti, ó “inkriptadu,” oras ki inkéritu mandadu pa invistigadoris.

Ikipa di studu ta trabadja pa prutéji y guarda bus informason. Bu podi purgunta ikipa di studu modi k-es ta faze-l. Bu podi tanbe purgunta si rizultadus di piskiza publikadu ta bai indentifika-bu di algun manera.

